



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vsvardi Martyrologivm

Usuardus <Sangermanensis>

Lovanii, 1573

Capvt V.

urn:nbn:de:hbz:466:1-42790

filius, ex Bituricensi monasterio, Apostolorum limina Romæ visit, ubi à diuo Petro admonetur, vt in Gallias prædicandi causa remeet, quas statim miraculorum & prædicationis gloria illustrabat.

CAPVT V.

DAgobertus Clotarij filius regnat annis sedecim, moritur anno sexcentesimo quadragesimo sexto.

Clodoueus secundus, eius filius, regnat annis septendecim, moritur anno sexcentesimo sexagesimo sexto, Sigeberto fratre eius regnante in Austrasia.

Clotarius tertius, Clodouei filius regnat annis tribus, moritur anno sexcentesimo sexagesimo nono.

Sub his regibus mirabiliter profecit Christiana religio apud Belgas. Imprimis Martinus primus creatur Sanctæ Romanæ Ecclesiæ Pontifex, anno sexcentesimo quadragesimo octauo: obiit anno sexcentesimo quinquagesimo tertio, à quo multi Belgici prædicatores auctoritatem prædicandi acceperunt, idemque petenti Amando plures dedit cooperatores.

Omnes Belgij diœceses habuerunt tunc præ- *Prædicatores Apostolici per Belgiam.*
sules viros planè Apostolicos, & in fidei propagatione feruentissimos.

Traiectum ad Mosam habuit sanctum Amandum, Is enim cum per Gallias miraculorum & prædicationis gratia clareret, mortuo Ioanne, qui ob mansuetudinem Agnus agnominabatur, ad regimen ecclesiæ Traiectensis coactus est à

M 3 Dago-

Dagoberto, & sacerdotibus. Anno tamen sexcentesimo trigesimo octauo, Tungrensi episcopatu posthabito, maluit pluribus in locis verbi instare officio, ad fidelium maiorem multiplicationem. Quantum verò religio per eum creuerit ex sequentibus plenius constabit. Obijt anno sexcentesimo sexagesimo primo.

Succesit ei anno sexcentesimo quadragesimo sexto, aut circiter, sanctus Remaclus Aquitanus, qui se Solemniaci in Christi tyrocinio exercuerat, quo cooperante rex Sigebertus, de posteritate prolis desperans, duodecim construxit monasteria, in quibus eminebant in Arduenna, Stabuletum, & Malmundarium. Ipseque Remaclus, post aliquot annos, propter attritos suæ ecclesiæ fructus, & concurrentes sæculares tumultus, habitum vitæ monachicæ assumpsit in Stabuleto, vbi vixit ad annum vsque sexcentesimum nonagesimum primum.

Succesit in regimine diocesis sanctus Theodardus, qui cum super iniustitijs, ecclesiæ suæ illatis, apud Childericum Austrasiæ regem legaliter exoptulare deliberaret, à filijs Belial, qui coram palatinis causam agi nolebant, in Alsatiam vsque eum insequentibus, est crudeliter martyrizatus. Cuius corpus evidentibus signis clarum, suo iure Lambertus repetijt.

Hannonij Cameraci clarebat sanctus Autbertus episcopus. Sub quo, & per quem, Hannonia in Christi cultu florere cœpit.

Tornaci siue Nouiomi clarebat sanctus Aicharius episcopus, cuius benedictione habita

Aman

Amandus Gandensibus Christum annunciauit. *Gādenses.*

Et eo mortuo, anno sexcentesimo quadragesimo septimo, successit sanctus Eligius vsque ad annum sexcentimum sexagesimum, qui fuit Flan- *Antuer-*
drensiū & Antuerpiensium Apostolus. *pienses.*

Multi etiam de Scotia, vel Hybernia, in Gallijs peregrinātes, verbum Dei seminabant, multum-
que fructum Deo faciebant, per Hannoniam, Bra- *Brabantio.*
bantiam, Flandriam, & loca vicina. Primum san-
ctus Liuinus archiepiscopus, qui ex Scotia Gan-
dauum venit, cum tribus discipulis, & inde præ-
dicationis gratia profectus per Flandriæ & Bra-
bantia loca, innumeros ad fidem conuertit, &
apud Escham glorioso martyrio est coronatus,
anno sexcentesimo trigesimo tertio, cum Cra-
phailde & Brixio. Deinde tres sanctissimi fra-
tres Furseus, qui à Clodoueo honorifice susce-
ptus, Latiniacum cœnobium fundauit. Foillanus
episcopus, martyrizatus anno sexcētesimo quin-
quagesimo quinto, qui dono sanctæ Gertrudis
Fossense monasterium fundauit, in quo quiescit,
& Vltanus abbas Fossensis: item S. Fredegandus,
sanctus Vuasulphus episcopus, qui in Condato
monasterio Domino vsque ad obitum seruiuit:
sanctus Etto episcopus, qui apud Auesnas, ver-
bum Dei seminauit: sanctus Bertuinus episco-
pus, qui Maloniam cœnobium construxit apud
Namurcum: sanctus Eloquius, qui fundauit
Vualciodorensē, monasterium, & alij.

Venerunt & aliunde aliquot prædicatores, vt
sanctus Gissenus è Græcia: sanctus Landoaldus
archipresbyter, è Roma.

M 4

Fuerunt

C H R O N I C O N

Fuerunt & patrij prædicatores, inter quos celebriores, sanctus Trudo presbyter, qui monasterium extruxit in Sarcinio, quod nunc est sancti Trudonis oppidum, & maxima sedulitate circumuicinis euangelium prædicans, paganismum nondum plenè repurgatum profligauit: sanctus Landelinus abbas Crispiniensis, quatuor cœnobiorum fundator: & sanctus Humbertus episcopus, fundator Maricolensis monasterij.

In territorio itaque Leodiensi claruerunt hoc tempore iam dicti episcopi, sanctus Amandus, martyr Theodardus, & sanctus Remaclus, qui relicto episcopatu, abbas fuit Stabulensis in Arduenna: item sanctus Babolenus ipse per resignationem successor; sanctus Mono martyr, qui Nassoniæ quiescit: sanctus Hadelinus confessor, & doctor salutis, qui ad Legiam habuit cœnobium: sanctus Amor diaconus, vt opinor, vixit eodem tempore, Traiectum ac Belisiam euocatus ex Aquitania patrio loco, exemplo sanctorum Amandi, Remacli, & Hadelini.

Rursus claruerunt in Hasbania sanctus Landoaldus archipresbyter, qui admirabilem puerum Lambertum instituit, & annis nouem vicarius fuit sancti Amandi, pontificis, dum is paganus Christum prædicabat, item sanctus Amantius diaconus, & alij collegæ quos à Martino papa sanctus Amandus, sibi ex vrbe Roma cooperatores accepit, item sancta Vinciana virgo soror Landoaldi, sancta Adeltrudis virgo, sanctus Adrianus nuncius & martyr. Qui omnes in Vuintershouen quieuerunt, apud Tungros, inde postea
Ganda-

Gandauum translati. Vixit denique tunc apud Hasbanos sanctus Trudo, qui in pietate & paganorum conuersione valdè celebris fuit, eo loci vbi monasterium est, & oppidum, quæ ab eo sancti Trudonis dicuntur.

Sed ad Brabantiam transeamus. In ea florebant, Pipinus de Landis, primus Brabantia dux, *Brabantia primisia.* & maior domus in regno Austrasiæ: Iduberga eius vxor, cuius frater fuit sanctus Modoaldus, episcopus Treuirensis, soror sancta Seuera. Sanctus Amandus in multis Brabantia locis fidem Christi prædicabat, potissimum iuxta Niellam, & Bruxellam. Ipsi instinctu Iduberga sibi & filia suæ sanctissimæ Gertrudi, Christiq; familiae, cœnobium construxit Niuellense, in quo vtramque sacro velamine cōsecrauit; Foresti discipulam habuit sanctam Alenam, virginem & martyrem. Sanctus verò martyr Liuinus, prædicabat in Occidentali Brabantia, versus Flandriam. In territorio Antuerpiensi contra infidelitatem pugnabat sanctus Eligius episcopus. Scribit enim sanctus Andoënus eū iugi instantia Audouerpis pugnasse, multosque erroneos conuertisse. Clarebant præterea eo tempore in Brabantia sancta Beggha soror sanctæ Gertrudis, quæ Andainæ apud Namurcum cœnobium construxit: Sancta Gudila virgo, postmodum Bruxellam translata: sancta Reineldis, virgo & martyr Santhis: sancta Phairildis virgo: sancta Ermelendis, Meldricis, inter Thenas & Louanium: sancta Berlendis, cum Nona & Celsa Merbeccæ, & sancta Ragenussa virgo in Gallica Brabantia Aicuria.

*Flandria.
primicia.*

Porro apud Flandros Gandauensibus, sanctus Amandus verbum Dei prædicare non destitit, quantumuis ab incredulis permulta pateretur. vbi discipulum habuit magnum illum Bauonem filium Agilulfi Comitis Hasbanię, qui ex secolari militia ad monasticam vitam transijt, contra Mauricij imperatoris edictũ. Idem, beato Amando promotore, Gandense cœnobium construxit, & dotauit. in quo post aliquot annorum pœnitentiam, vitam temporalem cum æterna commutauit, anno sexcentesimo trigesimo primo. Construxit ibidem Amandus ad honorem sancti Petri alterum monasterium, in monte Blandinio. Vtrique abbatem præfecit sanctum Floribertum. Instituit etiam in Truncinio, haud procul à portu Gandensi, clericorum collegium. Venit autẽ illuc anno sexcentesimo trigesimo tertio sanctus Liuinus archiepiscopus cum tribus discipulis, Foillano, Helia, & Kiliano, vt inter infideles Euangelium plátaret. qui à sancto Florberto abbate, eiusque fratribus, benignè exceptus est, & triginta continuos dies super sancti Bauonis sepulcrum Missarũ solennia celebrauit, deinde per Flandrię & Brabantię loca, vsque ad gloriosum suum martyrium, constanter prædicauit, & multos ad fidem Christi cõuertit. Multum etiam in Flandris laborauit sanctus Eligius episcopus, qui pastoris cura sollicitus lustrabat vrbes, & municipia, circumqua; sibi commissa. Constat autẽ ex historia, quam sanctus Audoënus scripsit, eum peculiarem curam habuisse Nouiomensium, Tornacensium, Flandrensium, Gandensium, & Corturiacensium,
sue

siue Cortracensium. Ostburgi, Aldenburgi, Rondenburgi, Brugis, sacras inchoauit ædes. In territorio Tornacensi eleuauit corpus sancti Piatii martyris in pretiosum monumentum, & Gandau sancti Bauonis reliquias. Eodem tempore clarebat Turolti Domlinus, religiosissimus presbyter: & sanctus Trudo, Hasbanus, in Brugenfi agro sibi gentilitio monasterium construebat, vbi octoginta monachos aluit. Clarebat etiam Amandus episcopus apud Flandros, Gallicanos potissimum, præter dictos Gandenses, hoc est, in Pabulensi territorio, & in Austrouandia. Ad Elnonem, celeberrimum construxit monasterium, quod sancti Amandi dicitur, vbi abbatem præfecit sanctum Andream. Martianis discipulum habuit sanctum Ionatum, primum abbatem: & sanctissimam Rictrudem, viduam ducis Adalbaldi, quæ viro orbata à beato Amando consecratum velum accepit, & cum prolibus Clotsende, sancta Eusebia, & Adalsende, Martianas monasterium delegit, rege quidem indignante, sed pacem inter eum & ipsam conciliauit beatus Amandus. In Broylo discipulum habuit sanctum Maurontum diaconum & abbatem, filium sanctæ Rictrudis: & in Hamatico, sanctam Gertrudem viduam, primam abbatissam.

In Hannonia clarus erat per ea tēpora sanctus *Hannonia*
Autbertus, episcopus Cameracēsis, successor san- *Prinastia.*
cti Ableberti, per quem in superni amoris feruore
adeo accensus est S. Vincētius, Comes Hānoniæ,
quod deposito militiæ cingulo se totum astrinxerit
ad cultū diuinū; & duo monasteria cōstruxerit

VNUM

CHRONICON

vnus in Altomonte, in quo habitum monachicum
 assumpsit: & alterum Sonegijs, in quo obdormi-
 uit. Fuerat annis aliquot Hyberniæ gubernator,
 qua etiam occasione insignes aliquot fidei prædi-
 catores, iam ante memorati, ex Hybernia ad nos
 libentius venerunt. E quibus apud Hannonios
 corporaliter quiescunt, Sancti, Etto & Vuasul-
 phus. Clarebat etiam sanctus Landelinus Ca-
 meracensis, ex sacro fonte filiafter sancti Autber-
 ti, qui diuturna excoctus poenitentia, (eum enim
 errabundum in gremium Ecclesiæ reduxit san-
 ctus Autbertus) quatuor insignia fundauit mona-
 steria, Lobium, & Alnas, in territorio Leodiensi:
 Item Vuaslarium & Crispinium, in quo postremo
 monasterio resedit, eundemque locum, cum vici-
 nis, vomere diuinæ prædicationis excoluit, cum
 discipulis, sancto Domitiano, & sancto Adelino.
 Inter Crispinium & Montes, potissimum clare-
 bat sanctus Gislenus, cum discipulis suis sancto
 Lamberto, & sancto Berlerio, qui non paucos in
 ouile dominicum introduxit, & eo loci Cellam
 fundauit in honorem Apostolorum, quæ nunc est
 primaria abbatia Hannoniæ, dicta sancti Gislenni.
 Montibus cellam siue monasterium construebat
 sancta Vualdetrudis, in quo vixit, seruata charita-
 te, separata à suo marito. Sed hodie est nobilium
 Canonicarum collegium. Clarebant etiam sancti-
 tate parètes eius, Vualbertus & Bertilia: item so-
 ror sancta Aldegundis, quæ Malbodium mona-
 sterium fundauit: & proles, sanctus Landricus,
 sancta Aldetrudis, sancta Madelberta, quæ duæ in
 regimine Malbodiensis monasterij, successerunt
 suæ

fuæ r
 tuus
 qui N
 dam,
 etiam
 longi

C
 publi
 pter
 frater
 ad re
 rum
 simo

C
 racer
 tudin
 genit
 etian
 la H
 berte
 eta V
 in ag
 tesim

Sa
 Trai
 nus
 pum
 feus,
 rio a

fuæ materteræ, & Dentelinus puer in albis mortuus. Claruit etiam sanctus Humbertus episcopus qui Maricolense cœnobium fundauit, & alij quidam, quos in subsequētib; nominabimus. vbi etiam nonnulli ex dictis nominari possent ob longiorem vitam.

C A P V T V I .

Clotario mortuo anno sexcentesimo sexagesimo sexto, Theodoricus frater in regnum sublimatur, ab Ebroino maiore domus, sed propter Ebroini insolentiam à Francis repudiatur, & frater eius Hildericus, qui in Austrasia regnabat, ad regnandum euocatur. sed Theodoricus iterum restitutus est, anno sexcentesimo septuagesimo octauo.

Claruit sanctus Vindicianus episcopus Cameracensis, siue Atrebatensis, qui numerosam multitudinem ad Dominum conuertit. Ecclesiam Dei genitricis Atrebatensem, ex rebus proprijs, vna etiam cum rege Theodorico, augmentauit. In villa Hunolcurt, cum pretiosissimo martyre Lamberto, monasterium consecrauit, cui præfuit sancta Valeria. Sancta Maxellendis virgo à proco in agro Cameracensi martyrizatur, anno sexcentesimo septuagesimo.

Sanctum Lambertum clarissimum episcopum Traiectensium ad Mosam, episcopatu priuat Ebroinus. In exilium mittit sanctum Amatam episcopum. quem exulem, primo fouebat sanctus Furseus, deinde sanctus Maurontus. Crudeli martyrio affecit in Artesia, sanctum Leodegarium episcopum

scopum